




DS  
735  
A2W8  
19--  
V. 48









御撰資治通鑑綱目三編卷十八

起辛酉明熹宗天啟元年  
盡丁卯明熹宗天啟七年 凡七年

薛

熹宗愍皇帝天啟元年春二月遼陽有數日並出。閏月孫如游罷。三月我

大清兵取瀋陽遼陽。經略袁應泰巡按御史張銓等死之。應泰議三路出師復撫順未行。

大清兵薄瀋陽降軍爲內應城破。總兵賀世賢副將戚金等皆戰死。應泰撤奉集威寧諸軍并力守遼陽引水注濠沿濠列火器。

大清兵掘城西開洩濠水。分兵塞城東水口擊敗諸將渡濠薄城從小西門入。應泰佩劍印自縊銓與副使何廷魁



等俱不屈死

大清兵循海而南海蓋金復四衛人望風奔竄多航海走山東其不能達者栖止各島間援遼都司毛文龍至皮島招集逃民爲兵分佈哨船聯接登州爲掎角計朝議是之時遣使分道募兵前後糜帑數百萬然所募皆市井烏合臨陣先走甚者遁爲盜奸民揭竿從之中原自此多事

夏四月朔日食○以王化貞巡撫廣寧

化貞招集散亡復得萬餘人激勵士民聯絡西部人心稍定化貞又以登萊天津兵可不設諸鎮入衛兵可止中朝謂其才可倚悉以河西事付之



立皇后張氏。○太監魏進忠矯詔殺司禮太監王安。

進忠與客氏忌安持正。喚給事中霍維華劾之。矯旨充南海子淨重。絕食死。進忠狼戾不知書。以王體乾及李永貞、石元雅、涂文輔等爲腹心。凡章奏。永貞等先閱視。鈐識。窺要。白進忠議。可否。帝性機巧。好親斧鋸椎鑿。漆之事。每引繩削墨。進忠輒奏事。帝厭之。謬曰。朕已悉矣。汝輩好爲之。進忠因得擅威福。

六月。起熊廷弼。經略遼東。以張鶴鳴爲兵部尙書。

瀋陽遼陽繼失。京師大震。劉一燝曰。使廷弼在。當不至此。帝乃貶馮三元等。而召廷弼於家。廷弼至。建三方布置策。廣寧用馬步兵。列壘三岔河。上天津。登萊各置舟。



師設營巡撫而山海特設經略節制三方以一事權  
遂命廷弼駐山海關經略軍務王化貞與廷弼議不合  
愠甚盡委軍事於廷弼廷弼請申諭化貞不得藉口節  
制坐失機宜由是經撫不和廷弼又言三方建置須聯  
絡朝鮮與登萊聲息相通乞給臣空名劄付百道募山  
東礦徒有能結聚五百人以上者卽署守備都司如此  
則一二萬勁兵立致帝然之未幾化貞奏參將毛文龍  
鎮江大捷舉朝皆喜命急發天津登萊水師援文龍併  
合諸蒙古軍乘機進取廷弼遺書中朝言兵力未集文  
龍發之太早亂三方並進之謀誤屬國聯絡之筭時鶴  
鳴力主化貞議凡廷弼所奏請輒從中沮格之廷弼憤



立皇后張氏。○太監魏進忠矯詔殺司禮太監王安。  
進忠與客氏忌安持正。嗾給事中霍維華劾之。矯旨充  
南海子淨軍。絕食死。進忠狼戾不知書。以王體乾及李  
永貞、石元雅、冷文輔等爲腹心。凡章奏。永貞等先閱視。  
鈐識。款要白進忠。議可否。帝性機巧。好親斧鋸椎鑿。髹  
漆之事。每引繩削墨。進忠輒奏事。帝厭之。謬曰。朕已悉  
矣。汝輩好爲之。進忠因得擅威福。

六月。起熊廷弼。經略遼東。以張鶴鳴爲兵部尚書。

瀋陽遼陽繼失。京師大震。劉一燝曰。使廷弼在。當不至  
此。帝乃貶馮三元等。而召廷弼於家。廷弼至。建三方布  
置策。廣寧用馬步兵。列壘三岔河上。天津登萊各置舟。



師設登萊巡撫而山海特設經略節制三方以一事權  
遂命廷弼駐山海關經略軍務王化貞與廷弼議不合  
愠甚盡委軍事於廷弼廷弼請申諭化貞不得藉口節  
制坐失機宜由是經撫不和廷弼又言三方建置須聯  
絡朝鮮與登萊聲息相通乞給臣空名劄付百道募山  
東礦徒有能結聚五百人以上者卽署守備都司如此  
則一二萬勁兵立致帝然之未幾化貞奏參將毛文龍  
鎮江大捷舉朝皆喜命急發天津登萊水師援文龍併  
合諸蒙古軍乘機進取廷弼遺書中朝言兵力未集文  
龍發之太早亂三方並進之謀誤屬國聯絡之筭時鶴  
鳴力主化貞議凡廷弼所奏請輒從中沮格之廷弼憤



甚抗疏言。臣有經略名。無其實。遼左事。惟樞臣與撫臣  
其爲之。鶴鳴益恨。至冬。廣寧人傳敵兵且渡河。兵部趨  
廷弼出關策應。廷弼乃令劉渠。祁秉忠。羅一貫。分守鎮  
武。閭陽。西平。而自出關駐右屯。

秋九月。葬慶陵。○永寧繼奢崇明。據重慶反。

永寧宣撫司奢崇明。與子寅。久蓄異志。會徵兵援遼。崇  
明遣土目樊龍等。以兵詣重慶。巡撫徐可求。汰其老弱。  
餉復不繼。遂據城反。殺可求。及道府總兵等五十餘人。  
陷瀘州。遵義新都內江。進圍成都。布政使朱燮元。周著。  
按察使林宰等。分門固守。石佐文。土司秦良玉。先遣弟  
民屏。率兵四千。倍道兼行。扼賊歸路。而自統精兵六千。



援成都圍遂解擢燮元僉都御史巡撫四川明年夏燮  
元以計斬樊龍復重慶而是時水西蠻安邦彥亦反貴  
陽以西千里皆陷崇明遇倚爲聲援

冬十二月罷吏部尙書周嘉謨

神宗末齊楚浙三黨爲政黜陟之權吏部不能與嘉謨  
爲尙書大起廢籍向稱三黨之魁者漸自引去惡霍維  
華傾狡出之外魏進忠怒嗾給事中孫杰劾嘉謨受劉  
一燦屬爲王安報仇嘉謨遂罷歸

壬戌二年春正月我

大清兵取西平堡王化貞棄廣寧與熊廷弼走入關

先是化貞屢出師輒引還廷弼乞勅化貞慎重舉止化



貞上言。臣願請兵六萬。一舉蕩平。時葉向高當國。化貞座主也。頗右之。廷臣惟御史江秉謙。夏之令。周宗建。紹事中。趙用時。與廷弼合。餘皆右化貞。令毋受廷弼節制。廷弼抗疏言。臣以東西南北所欲殺之人。適遭事機難處之會。諸臣能爲封疆容。則容之。不能爲門戶容。則去之。何必內借閣部。外借撫道。以相困。又言。經撫不和。恃有言官。言官交攻。恃有樞部。樞部佐鬪。恃有閣臣。今無望矣。帝令群臣議。兩人去留。時中外俱知經撫不和。必誤疆事。而張鶴鳴篤信化貞。請撤廷弼他用。帝不從。責再議。議未上而。

大清兵已西渡河。攻西平堡。化貞盡發廣寧兵。付遊擊孫得



功參將祖大壽令會總兵祁秉忠往援廷弼亦檄總兵  
劉渠來會遇

大清兵於平陽橋鋒始交。得功遽走。呼曰。兵敗矣。諸軍皆走。  
渠秉忠及副將劉徽戰死。羅一貫自刎。大壽走覺華島。  
得功遂降。廷弼師次閭陽驛。聞敗。還時廣寧城中訛言。  
敵已薄城。居民驚竄。化貞莫知所爲。單騎從二僕西奔。  
遇廷弼於大凌河。化貞哭。廷弼微笑曰。六萬衆一舉蕩  
平。竟如何。化貞慚。議守寧遠。及前屯。廷弼曰。已晚。惟護  
難民入關可耳。乃以已所將五千人授化貞爲殿。盡焚  
積聚。與高出。胡嘉棟先後入關。給事中侯震陽少卿馮  
從吾董應舉何喬遠請並逮二人。以伸國法。遂下獄論。



死鶴鳴亦罷歸

二月以孫承宗爲東閣大學士兼領兵部。

承宗以知兵名。廣寧失東事益急。遂進大學士。又從御史左光斗請命承宗以閣臣理兵部。承宗疏言。邇年兵多不練。餉多不核。以將用兵。而以文官招練。以將臨陣。而以文官指發。以將備邊。而日增置文官於幕。以邊任經撫。而日開戰守於朝。此極弊也。今當重將權。擇沉雄有氣略者。授之節鉞。如唐任李郭。自辟置偏裨以下。邊事小勝小敗。皆不必問。要使守關無闌入。而徐爲恢復計。因列上撫西部恤遼民減京軍增永平大將修薊鎮亭障開京東屯田數事。帝嘉納焉。



三月劉一爆雅。

先是言官交章論沈灌。灌疑一爆主之。與魏忠賢比。而  
齟一爆。及周嘉謨罷。一爆屢疏乞休。許之。葉向高言客  
氏既出復入。一爆顧命大臣乃不得比保。致使人揣  
摩於輿突不可知之地。其漸當防不省。

帝閱武於禁中。

魏忠賢勸帝選武闥。鍊火器。又曰。引帝爲倡。優聲伎。狗  
馬射獵。給事中惠世揚。周朝瑞。御史江秉謙等。劾沈灌  
交通閹人。弄兵大內。中旨切責。侯震賜黃尊素等。先後  
疏諫。皆不聽。明年。內操增至萬人。衷甲出入。鉦礮聲喧  
震內外。訛言皇子多驚死者。



夏四月大雨雹

御史周宗建謂陰盛陽衰之徵疏陳四事一攻大學士沈灌一請寬建言廢黜諸臣一言熊廷弼已有成獄不當因此羅織朝士一言魏忠賢陰賊險狠陛下用人行政一切墮於其術恐離間之漸將起於蠅營讒構之釁必生於長舌忠賢見疏恨刺骨

五月有星隨日晝見○六月以毛文龍爲平遼總兵官○秋七月沈灌罷

刑部尙書王紀再疏劾灌比之蔡京灌亦劾紀庇熊廷弼獄詔兩解之未幾紀削籍去葉向高言紀灌交攻俱失大臣體獨斥紀如公論何灌不自安乃引去逾年死



八月以孫承宗經略薊遼。

初廣寧既失關外五城七十二堡悉爲哈喇慎諸部所據聲言助邊實懷窺伺經略王在晉與薊遼總督王象乾請給月糧歲費百萬又請築重關於八里舖設守兵四萬人寧前兵脩僉事袁崇煥以爲非策奏記於葉向高向高不能決承宗請身往定之乃馳詣關門相度還奏築重城不若築寧遠要害與覺華島相犄角因言在晉不足任自請督師許之承宗既至關定軍制申明職守以馬世龍爲總兵官令遊擊祖大壽等守覺華島副將趙率教守前屯前後築城堡數十練兵十一萬造鎧仗數百萬開屯田五千頃會我



天清兵不深入而承宗防守嚴亦少敗。勦軍聲頗振。  
九月增田賦。

時增州縣兵。許畝加餉。從御史馮英請也。

封弟由檢爲信王。○冬十月。左都御史鄒元標。副都御史  
馮從吾罷。

元標從吾建首善書院於京師。與高攀龍輩講學。御史  
黃尊素規之曰。都門非講學地。徐文貞已叢議於前矣。  
元標不能用。給事中朱童蒙。郭允厚。郭興治。交章劾元  
標等。植黨沽名。請毀書院。中旨謂宋室之亡。由於講學。  
將加嚴譴。葉向高力諫。乃解興治。允厚復力攻比元標  
於山東妖賊。元標從吾並罷歸。



三年春正月以顧秉謙朱延禧朱國禎魏廣微並爲東閣大學士。

廷推閣臣首列孫慎行盛以弘皆不用時魏忠賢用事謀結外廷諸臣秉謙廣微率先諂附遂援二人入閣

紅毛夷據澎湖

荷蘭人自神宗末據臺灣地後又出據澎湖犯漳州海澄中左所已復入廈門曾家澳官軍禦却之仍築城澎湖以居四年冬巡撫南居益擒賊帥十二人澎湖之寇始熄其據臺灣者自若也

遣中官刺邊事

帝好察邊情常遣中官詣關門其事狀奏報名曰較事



及魏忠賢竊柄其黨劉朝等四十五人先後至山海關  
孫承宗疏言中使觀兵自古有戒帝不省

二月太白晝見○夏四月京師地震○朱國祚罷○五月  
四川總督朱燮元克永寧各崇明走龍場

燮元既會諸軍復遵義遂進克永寧降賊衆二萬崇明  
父子窮蹙率餘衆投水西安邦彥與合兵復犯遵義官  
軍敗之禽崇明妻安氏及其女弟奢社輝蜀中遂靖未  
幾貴州巡撫王三善爲邦彥所襲死崇明勢復張

秋七月史繼偕罷○客氏魏忠賢殺光宗選侍趙氏幽裕  
妃張氏於別宮殺之

客魏恐宮中人白其罪惡矯旨賜趙選侍自盡幽裕妃



別宮絕其飲食。大雨妃匍匐承檐溜飲之而死。皇后數於帝前刺客魏過失。是年。后有娠。客氏以計墮之。帝用此乏嗣。又以帝郊祀。曰掩殺帝所寵馮貴人左右。無敢言者。范慧妃以讒失寵。李成妃爲之乞憐。客魏知之。亦幽成妃別宮。妃預儲食物簷瓦間。半月不死。斥爲宮人。冬十月。以趙南星爲吏部尙書。

先是南星爲左都御史。與吏部尙書張問達掌京察黜去給事中。元詩教趙興邦等。天下快之。至是問達罷。南星代爲吏部。魏忠賢雅重南星名。遣其甥傅應星謁見。拒不納。魏廣微八閤嘗三至南星門。亦謝弗見。廣微大恨。遂與忠賢謀。齟南星時。東林勢盛。韓爌鄭三俊李邦



華高攀龍並通顯楊漣左光斗魏大中袁化中等激揚  
誠議忠賢頗憚之於外事不敢大肆

十二月地震

兩京鳳陽蘇松淮揚泗滁同日俱震

魏忠賢提督東廠

忠賢每出車馬儀衛僭擬乘輿用許顯純爲鎮撫司理  
刑鍛鍊殘酷士大夫多被戕死

括天下庫藏輸京師

葉向高言郡邑庫藏已竭藩庫稍餘今盡括之猝有亂  
將何以應不納

四年春正月何宗彥卒。○日赤無光旁有黑子。○夏六月



杖殺工部郎中萬燬。

時左副都御史楊漣抗疏發忠賢罪狀。給事中魏大中  
陳良訓許譽卿。御史李應昇袁化中。太常寺卿胡其賞  
祭酒蔡毅中。撫寧侯朱國弼。南京兵部尚書陳道亨。侍  
郎岳元昇等七十餘人。復交章論忠賢不法。葉向高及  
禮部尚書翁正春。請勒忠賢閑住。以塞謗。皆不聽。燬疏  
最後。上言忠賢毒痛士庶。威加縉紳。生殺予奪。盡出其  
手。先帝陵工所需忠賢靳不肯與。而自營西山葬地。制  
擬陵寢。前列生祠。糜金錢數百萬。乞加顯戮。忠賢卽矯  
旨杖殺之。黃尊素語楊漣曰。可以去矣。漣曰。苟濟國生  
死以之。卒不去。漣疏中有門生宰相語。顧秉謙魏廣微



見之恨甚遂以已意點綴紳一冊以葉向高韓爌何如寵成基命繆昌期姚希孟陳子壯侯恪趙南星高攀龍喬允升李邦華鄭三俊楊漣左光斗魏大中黃尊素周宗建李應昇等凡百餘人目爲邪黨以黃克纘王永光徐大化賈繼春霍維華等爲正人進之忠賢俾據是爲黜陟

秋七月葉向高罷

向高先已二十餘疏乞歸至是請益力許之向高有德量好扶植善類旣去清流無所依倚次第戮辱

河決徐州

決魁山隄城中水深丈餘遷州治於雲龍山而治河事



御批通鑑輯覽卷之六

無言及者

封光宗選侍李氏爲康妃

忠賢擅權帝亦忘前事加妃封號人以是知前移宮諭

出自王安帝實不辨也

冬十月罷吏部尚書趙南星左都御史高攀龍

言官詆魏大中文通文選郎夏嘉遇賁緣請屬南星攀

龍力辨其誣中旨黜大中嘉遇賁南星等朋謀結黨並

罷歸

十一月削吏部侍郎陳于庭副都御史楊漣僉都御史左

光斗籍

廷推吏部尚書漣注籍不預于廷等推喬允升馮從吾



汪應蛟上之中旨責漣大不敬。又以允升等爲趙南星私人責于廷光斗與漣朋比並削籍而擢徐兆魁吏部侍郎喬應甲副都御史王紹徽僉都御史皆素爲南星所擢者紹徽等旣進用日排擊善類編東林一百八人繫以宋時淮南盜宋江諸名目爲點將錄獻之忠賢俾按名黜汰。

韓爌

故事閣中止首輔秉筆魏廣微欲分爌權矯旨責次輔毋伴金爌遂乞休去。

十二月朱國禎罷

韓爌去國禎爲首輔魏廣微視之蔑如給事中李蕃三



疏劾國楨遂引疾去忠賢語其黨曰此老亦邪人但不  
作惡可令善去乃加少傅賜銀幣

五年春正月崔呈秀復爲御史

先是呈秀按淮揚高攀龍發其贓私趙南星議成之呈  
秀窘夜走魏忠賢所叩頭乞爲養子涕泣言南星攀龍  
輩皆東林邪黨時忠賢爲廷臣交攻思假事端傾陷正  
士得呈秀恨相見晚遂用爲腹心日與計畫給事中李  
恒茂爲呈秀訟冤中旨復其官越二歲遂晉兵部尙書  
兼左都御史出入烜赫勢傾朝野呈秀首疏薦張鶴鳴  
申用懋王永光商周祚許弘綱等再疏請令京官自陳  
陰排諸異已者時給事中李曾生亦薦起阮大鍼等十



二人。群小並進善類爲一空。

三月以朱燮元總督雲貴川湖廣西軍務。

先是貴州官軍屢爲安邦彥所敗。廷議以川師不協助。宜令一人統之。乃晉燮元兵部尙書總督。各省軍駐遵義。明年賂賊黨誘殺奢寅。崇明年老無能。爲邦彥亦乞撫。燮元聞於朝。許之未幾。以父喪去。賊復熾。崇禎初起。故官合諸道兵燮之。崇明邦彥俱授首。

夏四月。太白晝見。○重修光宗實錄。

御史楊維垣首翻三案給事中霍維華繼之。痛詆劉一燝韓爌孫慎行。張問達周嘉謨王之寀楊鍾左光斗。而譽范濟世等。請改光宗實錄。中旨允之。免李可灼戍。擢



濟世等京卿。時魏忠賢特恨東林諸人數論其罪。實於三案及京察封疆事無與也。群小欲藉忠賢力爲報仇。凡異己者。概指爲東林而去之。清流之禍。遂不可解。

六月。朱延禧罷。

中旨令閣票稱魏忠賢爲元臣。延禧執不可。御史田景新阿忠賢意。攻去之。

逮前副都御史楊漣。僉都御史左光斗。給事中魏大中。御史袁化中。太僕少卿周朝瑞。陝西副使顧大章。下獄殺之。削前吏部尙書趙南星等籍。

初。給事中阮大鍼與光斗。大中有隙。屬同官傅繼祖劾中書舍人汪文言。交通光斗等爲奸利。遂下文言詔獄。



廷杖除名至是魏忠賢必欲殺漣等。坐以移宮徐大化教忠賢牽入封疆。坐以納熊廷弼賄則殺之。更有名於是復鞫文言備五毒。令引漣等受賄文言忍死不承。鎮撫司許顯純手作文言供狀。漣光斗各受三萬大中二千。朝瑞一萬大章四萬。卽日斃。文言於獄爰書上詞。連趙南星繆昌期王之寀李三才惠世揚等十餘人。中旨逮漣等下獄。南星等俱削籍。下所在巡按追贓。漣等先後逮。至拷掠慘酷。體無完膚。至秋俱爲獄卒所斃。惟大章未死。群小謂諸人潛斃無以厭人心。乃移付法司定罪。布告天下。仍移大章鎮撫司。大章曰吾安可再入此獄。投繯卒。南星尋戍代州。



秋八月毀天下講學書院。

御史張訥請毀東林。關中江右徽州一切書院。力詆講學諸臣。尚書孫慎行。余懋衡。副都御史馮從吾等俱削籍。併追奪鄒元標官誥。

以周如磐丁紹軾黃立極馮銓並爲東閣大學士。

輔臣缺。詔推老成幹濟者。禮部尚書周如磐以年例推用。侍郎黃立極與忠賢同鄉。故援之。熊廷弼之獄。紹軾與銓謀居多。銓資淺。年未及四十。忠賢黨李魯生上言。成卽爲老而非必老乎。年幹乃稱濟。而卽有濟於國。銓遂柄用。如磐閱三月卽罷歸。

魏廣微罷。



初楊奎之獄廣微預謀吏部尙書崔景榮懼諸人立斃  
亟請廣微諫止廣微不自安乃疏言連等曾佐卿寺縱  
坐賊亦當轉付法司無令鎮撫嚴刑追比疏入大忤忠  
賢意廣微懼急出景榮手書自明忠賢怒已不可解遂  
連疏乞歸景榮亦罷  
殺前遼東經略熊廷弼

御史梁夢環謂廷弼侵盜軍資十七萬劉徽謂廷弼家  
資百萬宜籍以佐軍中旨從之罄產不足償其子兆珪  
自刎死武弁蔣應陽爲廷弼稱冤太倉人孫文豸顧同  
寅作詩誅之俱棄市

冬十月罷孫承宗以高第代爲經略



初忠賢以承宗功高欲親附之遣其黨申意承宗不與  
交言忠賢大憾趙南星等遂承宗請以聖壽節入朝忠  
賢恐其擁重兵入清君側使魏廣微顧秉謙調嚴旨詰  
讓之承宗既抵通州聞命而返給事中李蕃至譏爲王  
敦李懷光承宗遂遣疏求罷許之以兵部尙書高第代  
爲經略第以關外必不可守欲盡撤錦右諸城守禦移  
關內袁崇煥力爭謂兵法有進無退錦右動搖則寧前  
震驚關門亦失保障第意堅且欲并撤寧前二城崇煥  
曰我寧前道也官此當死此我必不去第不能奪乃撤  
錦州右屯大小凌河及松山杏山塔山守具盡驅入關  
委棄米粟十餘萬軍民死亡載途哭聲震野民怨而軍



益不振

十二月榜東林黨八姓名示天下。

御史顧承欽上言東林自顧憲成李三才趙南星外如王圖高攀龍謂之副帥曹于汴湯兆京史記事魏大申袁化中謂之先鋒丁元薦沈正宗李朴賀煥謂之敢死軍人孫丕揚鄒元標謂之士木魔神宜一切榜示海內俾奸慝無所容忠賢大喜悉刊黨人名示天下。

寅丙

六年春正月作三朝要典

先是給事中楊所修請集三案章疏倣明倫大典編輯爲書頒示天下從之以顧秉謙黃立極馮銓爲總裁施鳳來楊景辰孟紹虞曾楚卿副之極意暴揚黨人罪惡



御批通志卷一百一十五

刊布中外。至冬。改修光宗實錄。以黃立極等爲總裁事。

關三案。卽據要典改之。

三月。高第罷。以王之臣督師。袁崇煥巡撫遼東。

先是我

大清兵圍寧遠。高第與總兵楊麒擁兵不救。寧前叅政袁崇

煥集將士誓死守。盡焚城外民居。攜守具入城。檄前屯

及山海關凡將士逃至者悉斬。人心始固。圍旋解。事聞

擢崇煥僉都御史。削高第楊麒職。以之臣代第以前屯

總兵趙率教代麒鎮關門。而改經略曰督師。尋命崇煥

巡撫遼東。駐寧遠。

夏四月。遷前左都御史高攀龍。吏部員外郎周順昌。蘇松



巡撫周起元論德繆昌期御史李應昇周宗建黃尊素  
龍自沉於池順昌等下獄皆殺之。

忠賢欲殺攀龍等七人取蘇松織造太監李實空印  
爲疏誣起元巡撫時乾沒帑金十餘萬日與攀龍輩往  
來講學遂矯旨分逮諸人順昌故有德於鄉縉騎至蘇  
州居民不期而集者數萬咸執香爲周吏部乞命旗校  
厲聲罵曰東廠逮人鼠輩敢爾手擲銀鎗於地大呼囚  
安在衆憤曰吾以爲天子命東廠敢爾遂奮擊斃旗校  
一人餘悉竄走順昌乃自詣吏巡撫毛一鷺飛章告變  
縛得顏佩章等五人以謝忠賢後皆論斬攀龍知順昌  
已就逮卽晨謁宋儒楊龜山祠歸與二門生一弟飲後



園池上及暮書遺表訖衣冠自沉於池表云臣雖削奪  
舊爲大臣大臣受辱則辱國謹北向叩頭從屈平之遺  
則遠近聞其死莫不傷之昌期等先後逮至坐以受賊  
五日一追比俱榜掠死獄中

丁紹軾卒。○六月京師山東河南地震。○閏月建魏忠賢  
生祠

浙江巡撫潘汝橫疏請建忠賢生祠於西湖織造太監  
李實請令杭州衛百戶守祠詔賜祠額勒石記功德閣  
臣撰文書丹自是諸方效尤幾遍天下薊遼總督閻鳴  
泰部內建七所費數十萬其頌忠賢有民心依歸卽天  
心向順語開封毀民舍二千餘間創宮殿九楹儀如帝



者朱童蒙建祠綏延用琉璃瓦劉詔建祠薊州金像冕  
旒疏辭掄揚稱以堯天舜德至聖至神閣臣輒用駢語  
褒答黃蓮泰迎忠賢像五拜五稽首稱九千歲都城祠  
宇相望有建於東華門外者工部郎中葉憲祖曰此天  
子臨辟雍道也士偶能起立乎忠賢聞之卽削其籍初  
汝楨請建祠巡按御史劉之待會籍遲一日卽削籍而  
薊州道胡士容以不具建祠文遵化道耿如杞以入祠  
不拜請下獄論死

馮銓罷

銓以媚出賢登宰輔素與崔呈秀嚮呈秀欲入閣其黨  
孫杰霍維華喉職方郎中吳淳夫力攻罷銓又慮王紹



徽爲吏部不肯推呈秀合御史袁鯨攻罷紹徽而杰等  
慮忠賢意變復以計沮之自是群小攜貳

京師水江北山東旱蝗。秋七月以施鳳來張瑞圖李國  
楷爲東閣大學士。九月顧秉謙罷。

魏廣微馮銓更相傾軋秉謙不自安乃告歸。

冬十月進魏忠賢爵上公從子良卿寧國公。

三殿成吏部尙書周應秋奏忠賢功遂進上公良卿前  
已封伯至是復進封公已而諸邊築隘口成南京孝陵  
功竣甘肅奏捷法司捕盜並言忠賢區畫方略詔書褒  
美閣臣皆擬九錫文半歲中廕錦衣指揮使十七人同  
知三人僉事一人擢其姪希孟世襲錦衣同知甥傅之



丁卯

琿馮繼先並都督僉事章奏無巨細輒頌忠賢稱極臣  
不名山東奏產麒麟大學士黃立極等票旨言廠臣修  
德故仁獸至其誣罔若此

七年春二月召王之臣還

朝議以崇煥之臣不相能召之臣還罷督師不設令崇  
煥盡統關內外軍

放太康伯張國紀還

國紀后父也先是有張匿名榜於厚載門者列忠賢反  
狀及其黨七十餘人忠賢疑國紀爲之邵輔忠孫杰等  
欲因此興大獄以搖中宮順天府丞劉志選遂上疏証  
國紀且微刺后帝令國紀自新忠賢憾不已復嗾梁夢



得報書卷之三  
環劾之。大學士李國禕曰：君后猶父母也，安有助父難母者？國紀始得放歸故郡。

夏四月，下前刑部侍郎王之案於獄，殺之。

先是，劉志選疏頌要典言命德討罪無微不彰，且云慷慨憂時力障狂瀾，於既倒者魏廣微也。堂還之揆席，以繼五臣之盛事，亦忠報國弼成巨典於不刊者，厥臣也。當增入簡端以揚一德之休風。又言王之案宜正典刑，孫慎行宜加遣戍，忠賢大悅。矯旨逮之，案下詔獄，誣以賊死，慎行亦遣戍。

五月，監生陸萬齡請祠，魏忠賢於國子監許之。

萬齡請以忠賢配孔子。忠賢父配啟聖公，其疏曰：孔子



作春秋厥臣作要典。孔子誅少正卯。厥臣誅東林黨人。持疏詣司業林鈺。鈺援筆塗抹。卽夕掛冠櫛星門去。司業朱之俊爲奏請從之。鈺坐削籍。

秋七月。罷袁崇煥。以王之臣代之。

先是我

大清兵圍錦州。總兵趙率教固守。崇煥令祖大壽等統精兵四千繞出。

大清兵後別遣水師東出。相牽制。大壽等未至。

大清兵已抵寧遠城下。方溽暑。不能克旋引去。時稱寧錦大捷。魏忠賢使其黨劾崇煥不救錦州。崇煥乞休去。以王之臣代之。及論功。文武冒濫增秩賜廕者數百人。崇煥



止增一秩。

封魏忠賢從孫鵬翼爲安平伯。加少師。從子良棟爲東安侯。加太子太保。良卿加太師。

良棟鵬翼尙在襁褓。鵬翼以寧錦奏捷。封良棟以殿工封。從吏部尙書周應秋請也。良卿至代。天子享南郊。祭太廟。於是天下皆知忠賢欲竊神器矣。

八月帝崩

帝大漸召閣部科道諸臣於乾清宮。諭以魏忠賢王體乾皆恪謹忠貞。可計大事。黃立極等對曰。陛下任賢勿貳。諸臣敢不仰體。及崩遺詔以弟信王嗣位。廷臣入臨內使十餘人傳呼。崔尙書甚急。呈秀入。與忠賢密謀久。



之語秘不得聞。或云忠賢有逆謀。呈秀以時未可止之也。

信王由檢卽位。○九月立皇后周氏。○冬十月南京地震。○十一月魏忠賢、崔呈秀及客氏等皆伏誅。

帝素稔忠賢惡。卽位後。深自蔽。備廷臣交章劾忠賢。忠賢大懼。以重寶啗信邸太監徐應元求解。帝斥應元安。置忠賢於鳳陽。既行遣使逮之。並逮崔呈秀及工部尚書吳淳夫。兵部尚書田吉。太常卿倪文煥。副都御史李夔龍。忠賢呈秀自縊死。詔戮其屍。客氏及魏良卿侯國興客光先等並伏誅。籍其家田。爾耕。許顯純等以次伏法。



御撰資治通鑑綱目三編卷十八  
罷諸邊鎮守中官。○黃立極罷。

山陰監生胡煥猷上疏論黃立極施鳳來張瑞圖李國  
槽等身居揆席一意媚闕並宜斥罷帝除煥猷名立極  
不自安乞休去。

十二月以錢龍錫李標來宗道楊景辰黃道登劉鴻訓並  
爲東閣大學士。

帝以施鳳來輩皆忠賢所用不足倚詔廷推閣臣倣古  
枚卜時名金甌焚香肅拜以次探之得龍錫標宗道景  
辰輔臣以天下多故請益一二人復得道登鴻訓並命  
入閣。

御撰資治通鑑綱目三編卷十八



御撰資治通鑑綱目三編卷十九

起戊辰明莊烈帝崇禎元年凡九年

辰

莊烈愍皇帝崇禎元年春正月尊熹宗皇后為懿安皇后

○三月葬德陵○施鳳來張瑞圖罷○起周嘉謨為南京吏部尚書

諸忤璫逮死若楊璉左光斗魏大中周順昌等皆卹贈有差嘉謨在位踰年卒

夏四月以袁崇煥督師薊遼

初崇煥以忤魏忠賢去至是進兵部尚書督師薊遼五月李國楷罷

國楷與魏忠賢同鄉然每持正論至是乞歸薦韓爌孫



承宗自代卒諡文敏。

毀三朝要典。

忠賢既誅其黨楊維垣等上疏並指東林崔魏為邪黨編修倪元璐再疏攻駁柄國者兩解之元璐尋上言挺擊紅丸移宮三議聞於清流而要典成於逆監其議可兼行其書必當速毀從之。

六月來宗道楊景辰罷。

宗道官禮部時為崔呈秀父請卹典景辰嘗為要典副總裁又嘗三疏頌忠賢及時事變乃請毀要典言官劾之遂與宗道同罷其後並麗逆案贖徒為民

秋七月浙江海盜○海寇鄭芝龍降。



海上故多盜芝龍尤猖獗然嘗敗官軍不追獲將士不殺當事者遣使撫諭遂降福建巡撫熊文燦善遇之芝龍先後擊殺大寇李魁奇鍾斌劉香海氛漸息

### 寧遠兵亂

諸營兵以缺餉大譟縛巡撫畢自肅總兵官未梅於譙樓督師袁崇煥馳至撫定之請令祖大壽仍駐錦州中軍副將何可剛隨已駐寧遠而移薊鎮趙率教於關門遂罷寧遠及登萊巡撫時度支大絀錦州薊鎮兵相繼譁戶部尙書畢自嚴言一歲之出浮於所入一百一十三萬有奇而內供名買不與焉帝命廷臣各陳所見自嚴擇其可者先後列上增鹽引議鼓鑄括雜稅覈隱田



增開課皆項屑權宜之計民以重困

九月京師地震。冬十月劉鴻訓免尋遣戍。

鴻訓入閣。斥楊維垣。楊所修賈繼春孫之解阮大城。十餘人。人情大快。又上言民困由吏失職。請久任責成。帝嘉納之。至是惠安伯張慶臻總督京營。勅內有兼轄捕營語言者。以非成例。許慶臻行賄并劾鴻訓。遂落鴻訓職。戍代州。慶臻及兵部尚書王在晉皆削籍。

十二月召韓爌復入閣。

詔會推閣臣。禮部侍郎錢謙益謀於當事者。擯同官周延儒及尚書溫體仁。皆不與。體仁遂上疏。訐謙益主浙江試時賄中錢千秋事。帝召體仁。謙益廷辨。罷謙益官。



凡會推者皆不用。追韓熿新名至。命仍爲首輔。

陝西饑。流賊大起。

先是。關黨蒼應川。巡撫陝西朱童蒙。巡撫延綏。皆貪黷。不卹民。又連歲大祲。白水賊王二。府谷賊王嘉九。宜川賊王左掛等。一時並起。攻城堡。殺官吏。安塞馬賊高迎祥。自稱闖王。饑民王大梁等應之。三邊饑。軍亦群起爲盜。大吏惡聞賊。曰。此饑民。徐自定耳。明年。帝從給事中劉懋議。裁驛站冗卒。山陝游民仰驛糴者。無所得食。皆從賊。

二年春正月。周道登罷。○定逆案。

詔定魏忠賢逆案。韓爌等不欲廣搜討。列上者少。帝



不懌。召入便殿。出章疏一囊曰。此奸黨頌疏。可按名悉入。又令刑部尙書喬允升。左都御史趙于汴。同審定。自魏忠賢客氏外。首逆同謀。崔呈秀。魏良卿等六人。交結近侍。秋後處決者。劉志選。梁夢環等十九人。其次充軍者。魏廣微等十一人。又次論徒贖爲民者。顧秉謙等一百二十九人。革職閑住者。黃立極等四十四人。忠賢親屬及內官黨附者。又五十餘人。凡六等。詔示天下。賈繼春初不列名。帝問故閣臣言繼春雖反覆。然持論亦有可取。帝曰。惟反覆故爲真小人。遂論徒。

以楊鶴總督三邊軍務。捕流賊。

鶴初官僉都御史。忤魏忠賢。罷去。帝卽位。復官。進左副。



都御史上言自大兵大役加派頻仍小民之元氣傷遼左黔陽喪師失律封疆之元氣傷縉紳搆黨彼此相傾逆寇乘之誘鋤善類士大夫之元氣傷譬如重病初起道在培養時以爲名言關中寇熾總督缺人乃進鶴兵部尙書總督軍務至則參政劉應遇參議洪承疇已罄破王大梁王左掛等賊稍稍懼

夏五月朔日食

帝以日食失驗欲罪臺官禮部尙書徐光啟言臺官測候本郭守敬法元時嘗當食不食無怪今日之失宜及時修治從之詔西洋人龍華民等推步光啟爲監督西法之行自此始



六月袁崇煥殺毛文龍於雙島。

崇煥素惡文龍，假閱兵名，泛舟抵雙島，伏甲士縛斬之。由是皮島不復置帥，以副將陳繼盛兼攝。

秋八月，朱燮元平水西蠻。

燮元檄雲南兵下烏撒，四川兵出永寧，下畢節而自率大軍駐陸廣，逼大方。貴州總兵許成名由永寧復赤水，邢彥與崇明合衆十餘萬來攻。燮元令成名佯退誘賊，而遣兵三路搗其巢。四川總兵侯良柱遇賊於永寧，與成名合擊，大破之。斬崇明、邢彥俘數千人，積年巨寇始靖。

冬十一月，我。



大清兵下遵化遂薄燕京。

我

太宗文皇帝親統大軍入洪山口。別將克大安口會於遵化。山海關總兵官趙率教入援戰死。全軍覆沒。巡撫王元雅與推官何天球。知縣徐澤等。憑城拒守。城破皆死之。我太宗文皇帝嘉惠雅忠。命賜官殮。閏日燕京始得報。帝詔天下鎮巡官勤王。並召前大學士孫承宗至。命督京師城守。明日夜半傳旨。守通州時烽火徧郊。承宗從二十餘騎疾馳抵通。與保定巡撫解經傳總兵楊國棟登陲固守。我

大清兵已自順義西薊都城尋下良鄉。迴軍至蘆溝橋。殲副



將中甫兵六千進逼永定門援軍總兵官滿桂戰沒京師大震。

以成基命爲東閣大學士。○十二月下督師袁崇煥於獄總兵官祖大壽擁兵奔錦州。

崇煥聞警帥祖大壽何可剛八援所過諸城皆留兵守帝聞其至喜甚令盡統援軍時所破隘口乃薊遼總理劉策所轄崇煥千里赴援自謂無罪然都人驟遭兵怨謗紛起謂崇煥縱敵朝士因前通和議誣其引敵脅和會我

大清設問謂與崇煥有成約語聞於帝帝信之遂執下詔獄成基命叩頭請慎重者再帝不省大壽與何可剛擁衆



東走毀山海關出遠近大震初大壽嘗坐事當死賴崇煥救免基命言於帝就獄中取崇煥手書招之督師孫承宗亦遣使追撫密令上章自列且立功贖督師罪大壽如其言帝優旨答之命承宗移鎮關門大壽歛兵待命○時帝不視朝傳旨辦布囊八百中官競獻馬騾又令百官進馬順天府尹劉宗周曰是必有以遷幸動上者乃疏言國勢強弱視人心安危乞延見百僚諭以固守外無他計從之

錢龍錫罷以周延儒何如寵錢象坤並爲東閣大學士

御史高捷史塗本閣黨嘗爲龍錫所扼袁崇煥殺毛文龍疏內有輔臣龍錫往復商榷之語及崇煥下獄捷塗



午庚

遂上章以通款殺將爲龍錫罪。龍錫引疾去。時兵事棘  
未暇究也。延儒性機警。善伺意。指以會推不預。與溫體  
仁比。數爲言者所劾。帝不聽。特命入閣。時都人桀黠者  
請以私財聚衆助官軍。如龍力言其叵測。會帝得偵事  
者報。與如寵言合。由是受知。象坤奉命守城。祁寒不懈。  
帝覘知之。遂並命入閣。

三年春正月。韓爌罷。

中書舍人原抱奇。以袁崇煥爲爌所取士。遂劾爌主款  
誤國。庶子丁進主事李逢申復相繼劾之。爌三疏引疾  
歸。爌先後作相。老成慎重。引用多正人。天下稱其實。  
二月。立子慈烺爲皇太子。○三月。李標罷。

在閣稍久頗能隨事匡益然時方重門戶帝亦深疑  
臣有黨遂連疏乞休去

夏五月我

大清兵東歸

先是我

大清兵取遵化永平遷安灤州皆留兵防守及東還分兵取  
山海關守將官惟賢力戰乃還攻撫寧昌黎京師道梗  
孫承宗祖大壽在東馬世龍及四方援軍在西承宗遣  
兵戍開平復建昌聲援始接我

大清兵遂棄永平出冷口而歸承宗始復四城  
六月流賊陷府谷



陝西五鎮兵入援多逃歸與譁而懼誅者皆合於賊賊帥王嘉元掠延安慶陽陷府谷又有神一元不沾泥等凡十餘部旋撲旋熾延安人張獻忠亦聚衆稱王延綏巡撫洪承疇擊敗之獻忠遁去

以溫體仁吳宗達爲東閣大學士

體仁以訐錢謙益爲時論所惡多發其陰事帝信體仁無黨周延儒復援之遂入閣

秋八月殺前督師尙書袁崇煥逮前文淵閣大學士錢龍錫下獄遣戍

史堃疏言龍錫出都以崇煥所畀重貲轉寄姻家巧爲營脫帝怒遂寘崇煥極刑坐龍錫大辟下獄中允黃道

周疏救帝意亦寢解乃減死戍定海衛。

冬十二月增田賦。

兵部尚書梁廷棟以兵食不足疏言民窮之故惟在官貪使貪風一息卽再加派民亦懽然帝命戶部協議尙書畢自嚴請畝加三釐於是增百六十五萬有奇。合舊所增凡六百八十餘萬海內咨怨明年紹事中魏呈潤疏言驛站所裁未足充餉十一而郵傳益困勢必再編之於民山海關中外兵舊額十八萬今止十萬八千。合薊門援兵非溢原額而餉乃日增不可不稽撫按諸臣捐貲助餉大率索之於民不可不禁帝不能用。

四年春延緩饑。夏四月旱。副將曹文詔敗賊於河曲。



王嘉允久據河曲文詔絕其餉道困之嘉允遁去已而突犯潞澤爲左右所殺其黨其推王自用爲魁自用結群賊高迎祥張獻忠等其三十六營衆二十餘萬聚山西李自成自延綏往依之號闖將。

六月錢象坤罷。

御史水佳允劾兵部尙書梁廷棟廷棟不待旨卽奏辨佳允疑其座主象坤所洩疏侵之周延儒惡廷棟并惡象坤象坤遂引疾歸廷棟落職。

秋八月我

大清兵圍大凌城

遼東巡撫邱禾嘉議築廣寧義州右三城奉宗謹廣

寧道當元據石屯築城大凌河以漸而進遂以七月興工築甫竣我

大清兵圍之禮大壽堅守踰月木嘉與總兵官吳襄宋儒合軍赴援收還復夜渡小凌河次長山連戰大潰至冬大凌河盡拔絕大壽殺副將何可剛偕諸將降於我

大清言妻子在錦州請歸設計誘降守者遂縱歸何如寵罷

如寵官禮部時貧宗婚嫁格於有司者千餘人用如寵言獲婚嫁者過半帝欲族袁崇煥以如寵言得免及入閣爲周延儒溫體仁所扼連疏乞罷歸久之卒

九月復遣中官王應朝等監視諸邊軍餉張彝憲總理戶



工二部

帝初盡撤鎮守中官。委任大臣。既見廷臣競門戶。不足倚。乃復遣王應朝。鄧希詔等。監視關寧。且大山西軍馬。以彝憲有心計。令鈎校戶工二部。如徐文輔故事。吏部尙書閔洪學率廷臣力爭。帝曰。諸臣若殫心爲國。朕亦何藉內民衆。不能對然。諸監率多侵剋軍費。臨陣先走。戎務益壞。

以洪承疇總督三邊軍務。

御史謝三賓。及巡按御史吳桂。劾楊鶴主撫誤國。逮下獄。戍袁州。以承疇代。

冬十月朔日食。○十一月孫承宗罷。

長山之敗。言者論不嘉及承宗築城起釁。承宗遂引疾歸。

閏月登州遊擊孔有德反。陷山東州縣。

有德與耿仲明李九成皆毛文龍部曲。文龍死。走入登州。登萊巡撫孫元化擢爲偏裨。大凌圍急。元化遣有德赴援。抵吳橋。遂反。陷陵縣臨邑。商河。屠青州之新城。明年春。陷登州。執元化以邀撫。帝命總兵楊御蕃。盡將山東兵討之。不利。走入萊州。賊分兵陷平度。圍萊州甚急。復命兵部侍郎劉宇烈總督軍務。宇烈曰。遣使往撫賊。愈熾。乃逮宇烈下獄。以朱大典巡撫山東。調關外勁旅往討。敗之沙河。乘勝抵萊州。城下賊解圍走。登州官軍



後唐書卷三十一  
十一  
築長圍困之。

五年夏五月以鄭以偉徐光啟爲東閣大學士。○六月京師大雨水。○秋八月副將曹文詔等連敗賊於平涼慶陽。文詔與左光先等分勦。○君清澗米脂合水賊皆大捷。洪承疇亦破賊平涼賊黨分竄。文詔追北至耀州衆殺其渠以降關中巨盜略盡。文詔在陝大小數十戰功最多。巡撫范復粹上功狀爲兵部所格賞不行。

九月流賊運陷山西州縣。

先是賊將高迎祥羅汝才張獻忠等分道四出連陷大寧陽州澤州壽陽諸州縣。全省震動。部議令宣大總督張宗衡駐平陽巡撫許鼎臣駐汾州分地守禦。已而李

西癸

甲寅入龍交。明年將關中兵至。出巨檄以自從。宗衡怒其不從。已檄之還。三將莫之適從。賊乘間入據磨盤山。出陷交城。文永澤州。遂州平順。  
六年春正月。總兵曹文詔擊山西賊。屢敗之。○二月。流賊犯畿南河北。

賊自山西分道踰太行。掠濟源。清化。修武。圍懷慶。別賊復闖入西山。大掠順德。真定。間大名。兵備副使盧象昇力禦之。乃自邢臺磨天嶺西下。抵武安。敗左良玉軍。河北三府焚劫殆徧。潞王上疏告急。詔遣總兵倪寵。王樸帥京營兵六千。會文詔等合剿。屢敗之。帝勅諸將速平賊。限以三月。未幾。言官劾文詔驕倨。調大同總兵。



官軍復登州。

孔有德等被圍食盡先後泛海走降於我。

天清餘賊退保蓬萊閣。朱大典招之悉降。

夏六月鄭以偉卒。○周延儒罷。

溫體仁與吏部尚書王永光謀起逆。案王之臣呂純如或以告延儒。會帝以之臣問對曰。用之臣亦可。雪崔呈秀矣。體仁由是恨之。時言者多劾延儒徇私受賕。縱子弟暴邑中。且謂其納巨盜。神一魁賄體仁。復囑給事中陳贊化劾武弁李元功。招搖罔利。語侵延儒。帝下元功詔獄。窮治延儒大著乞休去。

秋七月我

大清兵取旅順。○九月以錢士升爲東閣大學士。○冬十月徐光啟卒。

光啟前官禮部侍郎。忤魏忠賢落職。崇禎初召還。及八閏年已老。值周延儒溫體仁用事。不能有所建白。與鄭以偉相繼卒。兩人行清介。卒之日囊無餘貲。

十一月以王應熊何吾驥爲東閣大學士。

應熊熟諳典故。而性剛狠。溫體仁力援之。遂入閣。

賊渡河。陷澠池諸縣。分掠南陽汝寧。遂犯湖廣。

賊盡集河北。屢爲諸將所敗。欲逸阻於河。乃詭辭乞降。監軍內臣楊朝進信之。爲入奏。會天寒冰合。賊從毛家寨徑渡河南。軍無扼之者。遂陷澠池伊陽盧氏。巡撫元



戊申

默督軍禦之賊竄盧氏山中由間道入內鄉大掠南陽汝寧直走湖廣所在告急賊始起陝西高迎祥最強李自成屬焉及渡河自成始別爲一軍

七年春正月以陳奇瑜總督河南山陝川湖軍務討流賊初奇瑜巡撫延綏破賊延水關有威名賊黷像楚廷議以事權不一請設大臣統之乃進奇瑜兵部侍郎總督五省軍務專辦流賊

賊自鄖陽渡漢連陷紫陽平利二月陷夔州

張獻忠等十三營流突漢南州縣遂陷夔州遂近皆震三月朔日食○夏山西陝西饑○六月陳奇瑜圍賊於車箱峽賊僞降奇瑜縱遣之賊復叛陷所過州縣

賊自蜀還楚。分犯均州。鄖陽。商南。奇瑜。檄陝西。河南。湖廣。兵遏其四面。偕撫治。鄖陽。都御史。盧象昇。督將士由竹谿。至平利之烏林關。十餘戰。大破之。別將分道擊賊。擒其魁數人。張獻忠奔商洛。高迎祥。李自成等遁入興安之車箱峽。官軍塞山口。賊大窘。以重寶賄奇瑜左右。及諸將。僞請降。許之。先後籍三萬六千餘人。悉遣歸農。每百人。以一安撫官護之。所過州縣。具糗糧。傳送賊甫出峽。卽大譟。盡殺安撫五十餘人。屠虜過七州縣。畧陽賊數萬亦來會。關中大震。

秋七月。我

大清兵入上方堡。至宣府。京師戒嚴。



我

太宗文皇帝親征察哈爾。旋師入大同宣府境。下城堡數十。總督張宗衡總兵曹文詔。張全昌等不敢戰。我

大清兵下萬全左衛。始班師。宗衡及全昌文詔皆坐遣戍。以巡撫吳甡言。留全昌文詔爲援勦總兵討流賊。

冬十一月。逮陳奇瑜下獄。論戍以洪承疇代之。賊自陝西分犯河南江北湖廣。

帝以賊盡聚陝西。詔河南山西湖廣四川出師合勦。賊聞之高迎祥張獻忠李自成俱東出。關陷陳州。破汜水。固始。大會於滎陽。遂陷潁州。知州尹夢鼈指揮李從師等皆戰死。殺故尙書張鶴鳴。賊每營數萬。因糧宿飽馬。

一日夜馳數百里。官軍兵寡。餽不繼。且馬少。故多畏賊。左良玉在懷慶。與督撫議不合。檄調不時應。帝命承曉出關急勦。限六月平賊。

九年春正月。賊陷鳳陽。留守朱國相等戰死。

先是南京兵部尙書呂維祺懼賊南下。請防護鳳陽陵寢。不報。及賊至。焚皇陵。殺軍民數萬。留守署正朱國相等戰死。漕運都御史楊一鵬在淮安。遠不及救。帝聞變。素服避殿。逮一鵬下獄。要市。賊合樂大飲。自成從獻忠求皇陵小閣。善鼓吹者。獻忠不與。自成怒。偕迎祥西趨歸德。復謀入關。獻忠獨東陷廬江。屠巢無爲。潛山。太湖。宿松。



戰死

夏五月吳宗達罷。○六月賊復走陝西總兵官曹文詔等  
初承疇出關至信陽諸將畢會賊見河南兵盛復分路  
奔還陝西張獻忠由英霍取道麻城入陝會高迎祥李  
自成於鳳翔副將艾萬年柳國鎮等戰歿文詔憤甚以  
三千人戰真寧之湫頭鎮斬首五百追北三十里賊伏  
數萬騎合圍文詔徒步轉關與遊擊平安等二十餘人  
皆死賊乘勝掠地火照西安城中洪承疇自汝州還救  
秋七月以文震孟張至發爲東閣大學士

震孟在講筵每因事規諫帝數逮繫大臣震孟講魯論  
君使臣以禮反覆陳說帝爲出尙書喬允升侍郎胡世

賞於獄帝嘗足加於膝適講五子之歌至爲人上者奈  
何不敬帝爲之引下賊焚鳳陽陵震孟歷陳致亂之源  
謂當事諸臣不能憂國奉公一統之朝強分畛域又言  
陛下宜行撫綏實政先收人心以遏寇盜徐議濬財之  
源毋徒竭澤而漁語多切中時弊至是將增閣臣以翰  
林不習世務召廷臣數十人各授一疏令票擬震孟引  
疾不入至發所擬獨當帝特擢震孟與至發並入閣。  
賊復東犯總兵官尤世威敗績。

承疇力遮賊於涇陽三原間獻忠復由藍田走盧氏衆  
將徐來朝所部三千人盡沒世威軍大疫與賊戰敗走  
於是群賊皆出關分十三營東犯惟高迎祥李自成留



陝西。

八月以盧象昇總理江北河南山東湖廣四川軍務討流賊。

賊已蔓延半天下。承疇一人不能顧。乃擢象昇總理承疇辦西北。象昇辦東南。尋進象昇兵部侍郎加總督山西陝西。賜尚方劍。

九月洪承疇破賊於渭南。

承疇遣副將曹變蛟等追賊至醴泉。賊將高傑降承疇。身追自成。大敗之於渭南臨潼關。自成東走。迎祥亦屢敗。東踰華陰南原絕嶺。偕自成出朱陽關與獻忠合。

王應龍。

應熊爲楊一鵬所取。士一鵬下獄。言者并劾應熊。遂引罪乞歸。

冬十一月。何吾騶文震孟罷。

震孟與溫體仁不合。給事中許譽卿好言事。有劾其爲人營求遷擢者。體仁擬旨斥譽卿爲民。吾騶震孟力爭。帝責二人徇私撓亂。並罷之。

賊陷陝州。攻洛陽。

賊薄閩鄉。左良玉祖寬禦之。不克。遂陷陝州。攻洛陽。寬良玉從巡撫陳必謙赴援。獻忠走嵩州。迎祥自成走偃師。鞏縣略魯山。葉縣陷。光州會虛象昇自湖廣帥師至。台寬等擊敗之於確山。



九年春正月。盧象昇敗賊於滁州。

高迎祥等圍滁州。象昇督祖寬羅岱等來援。大戰於朱龍橋。賊連營俱潰。屍咽水不流。賊北攻壽州。不下。折而西。入歸德。分道犯南陽。裕州。象昇與必謙分擊之。賊精銳幾盡。

以林釭爲東閣大學士。

初。釭以忤魏忠賢去。忠賢誅起。官至禮部侍郎。謝病歸。至是與劉宗周同召見。帝問人才兵食及流寇狀。宗周言陛下求治太急。用法太嚴。布令太煩。進退天下士太輕。故有人而無人之用。又問兵事。宗周言禦外以治內爲本。願陛下以堯舜之心行堯舜之政。則天下自平。帝

注其言。命鈇八閣。

二月。山西饑。人相食。○寧夏兵亂。殺巡撫王楫。

寧夏兵苦饑。楫不能措餉。兵譟而殺之。副使丁啟睿捕斬首惡六人。乃定。

以武舉陳啟新爲給事中。

啟新上書言天下三大病。士子作文高談孝悌仁義及服官恣行奸隱。此科目之病也。國初典史授都御史。秀才授尙書。嘉靖時猶三途並用。今惟一途。一舉進士。橫行放誕。此資格之病也。舊制給事御史教官得爲之。今惟用進士知縣。監司郡守承奉不暇。此行取考選之病也。請停科目。罷行取考選。以除積弊。蠲災傷田賦。以蘇



民困專拜大將以便宣行事帝大悅權吏科給事中胡士深惡之紛然論劾帝皆不聽後以受賕匿襄削籍下撫按追賊竟逃去。

三月賊局迎祥李自成復入陝。

迎祥由鄖襄趨興安漢中自成敗

商維走延綏

張獻忠羅汝才等竄伏鄖陽商維

救未幾延

綏總兵俞冲霄擊自成於羅家山官軍

勢復振

夏四月罷錢士升削御史詹爾選籍

時溫體仁以劾導帝士升獻四箴大指謂寬以御眾

簡以臨下虛以容心平以出政帝優旨報聞而意不悅

有武生李璡者請括江南富戶令報名輸官士升據曰

下刑部提問。上疏言。郡邑有富家。固貧民衣食之資。未嘗無益於國。周禮荒政十二。保富居一。今秦晉楚豫。已無寧宇。獨江南數郡稍安。此議一倡。無賴亡命相率而與富家爲難矣。帝報曰。卽欲治名。前疏已足。前疏謂四歲也。士升引罪乞歸。許之。爾選謂輔臣不當以進言去。因言帝行一切苟且之政。帝面加詰責。命錦衣提下。爾選叩頭曰。臣死不足惜。願陛下姑留臣言。以爲他日思。帝大怒。諸臣力救。乃斥爲民。

六月。林鈺卒。以孔貞運賀逢聖黃士俊並爲東閣大學士。逢聖性廉靜。初官翰林。湖廣建魏忠賢生祠。或傳上梁文。出逢聖手。忠賢詣謝。逢聖曰。無之。借銜陋習耳。翌日。



御批通鑑輯覽卷之八  
遂削籍帝卽位召還至是與貞運士俊俱入閣三人皆  
不能有所匡益

秋七月朔日食。我

大清兵入塞

大清兵入昌平連下畿內州縣乃下詔徵諸鎮兵入援給事  
中王家彥以陵寢震驚劾兵部尚書張鳳翼鳳翼自請  
督師命與中官羅維寧宜大總督梁廷棟相犄角鉄皆  
不敢戰。

陝西巡撫孫傳庭擊高迎祥於整屋擒之送京師伏誅。  
傳庭代洪承疇爲巡撫鑑意滅賊賊首整齊王據商維  
傳庭檄副將羅尙文擊斬之又督賀人龍等擒迎祥於

黑水峪獻俘闕下磔死賊黨乃共推李自成為國王。  
諭廷臣助餉。

未幾又括勛戚文武諸臣馬開銀鐵銅鉛諸礦。

八月唐王聿鍵起兵勤王廢爲庶人錮之。

京師被兵聿鍵倡義勤王詔切責命有司勒還國廢爲  
庶人關之鳳陽。

我

大清兵車歸○九月以盧象昇總督宣大山西軍務

象昇奉詔入衛至已解嚴會梁廷棟卒命代爲總督而  
以王家楨代象昇家楨故庸才賊無所懼。

冬十月削前工部侍郎劉宗周籍。



宗周累疏陳時政語多激切爲溫體仁所忌請告去至  
天津聞京師被兵留不行上疏極言體仁奸邪致刑政  
乖舛及官官不宜總軍務凡數百言帝怒斥爲民

御撰資治通鑑綱目三編卷二十

起丁丑明莊烈帝崇禎十年盡甲申明莊烈帝崇禎十七年五月 凡七年有奇

十年春正月朔日食○賊犯安慶

張獻思糾羅汝才馬守應劉國能等自襄陽順流東下  
烽火達淮揚從問道犯安慶連營百里詔左良玉馬嶠  
劉良佐合兵往援大破賊賊走潛山太湖山中巡撫張  
國維檄良玉搜山不應尋北去賊復出太湖敗官軍於  
鄢家店殺參將程龍陳於王等四十餘人遂陷和州含  
山定遠六合攻天長破盱眙良玉令河南士民合疏留  
已竟不赴援已而總兵牟文綬偕良佐赴援賊始遁獻  
忠入湖廣



二月我

大清兵下朝鮮

我

大清兵克王京圍國王李倧於南漢山城已復破江華島倧奉表出降與明絕

三月起楊嗣昌爲兵部尙書

嗣昌有口辨帝以爲能所奏請無不從嗣昌議大舉平賊分各省官軍爲四正六隅謂之十面之網總督總理二臣隨賊所向征討因議增兵十二萬增餉二百八十八萬措餉之策有四曰因糧因舊額量加畝輸六合石折銀八錢傷地不與歲得銀百九十二萬九千有奇曰

地土田溢原額者核實輸賦歲得銀四十萬六千有奇  
曰事例富民輸貲爲監生曰驛遞前此郵驛裁省之銀  
以二十萬充餉議上帝下詔有暫累吾民一年除此腹  
心大患語改因糧爲均輸布告天下尋以武臣驕恣逮  
戮失事總兵王忠張全昌惟左良玉以六安破賊功戴  
罪自贖時福建巡撫熊文燦大言自詭足辦賊嗣昌薦  
之命總理南京河南山陝川湖軍務文燦大募粵人及  
烏蠻善火器者以從已見賊勢盛遂連疏言招撫帝譙  
讓嗣昌乃條上用兵事宜剋期明年二月平賊然文燦  
終主撫新增勦餉多資以撫賊嗣昌陰主之明年以滅  
賊踰期請貶削洪承疇等秩而置文燦不罪



御覽卷之三  
夏六月溫體仁罷

體仁在閣八年。日與異已者爲讎。帝以爲樸忠。恩禮無與。比倡言密勿。不宜宣洩。閣揭皆不發。亦不存錄。故所中傷人不能盡知。廷臣劾之者先後不可勝計。布衣楊光先至輿櫬上奏。帝益謂其孤立。罪言者或至杖死。至是常熟人張漢儒訐錢謙益瞿式耜居鄉不法。體仁擬旨逮治。謙益求解於司禮太監曹化淳。體仁知之。請并罪化淳。化淳方被帝眷。自請案治。得體仁及漢儒密謀上之。帝命漢儒立枷死。體仁乃引疾歸。踰年死。

兩畿山西大旱。山東河南蝗。○秋八月。以劉宇亮傅冠薛國觀爲東閣大學士。

國觀爲人刻深溫體仁嘗薦於帝遂柄用

冬十月李自成犯四川

自成窺蜀中空虛乘間陷寧羌破七盤關分三道入蜀  
總兵官侯良柱禦之於綿州戰死遂連陷昭化劍州梓  
潼江油黎雅青神進逼成都未幾洪承疇督曹變蛟等  
來援自成乃由洮州入番地官軍轉戰千里不解甲者  
二十七晝夜自成引殘卒竄入岷州及西和禮縣山中  
十二月黃士俊罷

戊寅

十一年春正月裁南京冗官○三月賀逢聖罷○夏四月  
張獻忠僞降總理軍務熊文燦受之

先是副將孫應元等連敗賊於鄭州舞陽光山固始賊



魏書卷之三  
謀犯江北應元等掘其前復連敗之賊渠劉國能馬士  
秀先後詣文燦降獻思爲左良玉所敗亦乞降良玉知  
其詐請急擊之文燦不聽

張至發罷

至發嘗疏詆黃道頌溫體仁屢爲言者所劾至是中  
書舍人黃應恩以賂請得罪詞連至發罷歸

六月孔貞運罷○以楊嗣昌程國祥方逢年蔡國用范復  
粹並爲東閣大學士嗣昌兼掌兵部

初國祥掌戶部議借都城賃舍租一季可得五十萬勛  
戚內官多匿不奏得僅三十萬然國祥由是受帝眷  
兩畿山東河南大旱蝗○秋七月謫少詹事黃道周官

初遷安郭鞏以逆案謫戍其鄉人爲訟寃楊嗣昌時巡撫永平聞於朝及奪情入閣又起復逆案陳新甲爲總督於是言官相繼論之道周上三疏一劾嗣昌奪情一劾新甲走邪徑一劾遼東巡撫方一藻主和議時帝憂兵甚謂廷臣可屬大事者惟嗣昌遂鐫道周六級調外八月傳冠罷○九月我

大清兵入塞燕京戒嚴

大清兵分路入牆子嶺青山口薊遼總督吳阿衡敗死監視中官鄧希詔遁走遂深入抵牛蘭山時盧象昇以父喪未行詔督宣山西兵入衛冬十月象昇至命與中官高起潛分督援軍楊嗣昌與起潛主和象昇主戰議不



合

大清兵分三路南下是冬下畿輔城四十八前大學士高陽  
孫承宗死之明年春下山東州縣十有六執德王由樞  
布政使張秉文等死之

洪承疇大破李自成於潼關

先是自成復謀犯蜀諸將馬科賀人龍拒之乃走漢中  
又爲左光先所扼其黨皆降惟自成東遁承疇令曹變  
蛟窮追設伏於潼關之南原大破之自成妻女俱失從  
數騎遁商洛時關中賊畧盡張獻忠已降惟羅汝才等  
十餘部往來豫楚窺陝西亦以求撫給熊文燦孫傳庭  
復引兵敗之於閬鄉靈寶尋得文燦止兵愾怏怏而還

未幾承疇傳庭皆入衛北行賊遂不可制

冬十二月方逢年罷。盧象昇兵潰於鉅鹿死之。

山西告警總兵王樸引兵還鎮象昇督虎大威楊國柱引軍至鉅鹿高起潛擁關軍兵在雞澤相距五十里象昇遣使乞援不應行至蒿水橋力戰死。

十二年春正月以洪承疇總督薊遼軍務孫傳庭總督保定山東河北軍務尋下傳庭於獄

朝議移承疇薊遼帥秦兵東守傳庭言秦軍不歸則流賊勢張且軍士家在秦久留於邊非譚則逃無益帝不能用尋又移傳庭於保定傳庭疏請召見爲楊嗣昌所阻愠甚引疾乞休嗣昌復劾之詔斥爲民逮繫論死。



御覽卷三十一  
五  
二月劉宇奏罷

初宇亮自請督察軍情抵保定聞盧象昇敗懼其急趨  
晉州不敢戰尾

大清兵而北至天津乃劾總兵劉光祚逗遛詔斬光祚軍前  
而光祚適有武清之捷宇亮復具疏乞宥帝責其前後  
矛盾削籍

三月我

大清兵出青山口

帝遣治失守封疆諸臣巡撫陳祖苞總兵吳國鎮等三  
十六人同日棄市

夏四月總兵左良玉敗賊於鎮平關

初賊渠馬士秀等降良王處其衆於許郊外許大州諸將寄孥處會良王率諸將入援士秀等假良王軍號結入城縱火殺官吏殲良王家至是良王南還擊賊馬進忠於鎮平關降之復遣降將劉國能擊降士秀等於是熊文燦上言兵威大震賊歲月可平帝優詔報之

程國祥罷五月以姚明恭張四知魏照葉並爲東閣大學士

薛國觀楊嗣昌用事國祥委蛇其間嘗召對無一言帝責之遂乞休去明恭等三人皆庸劣四知尤甚國觀力援入閣

張獻忠復叛



獻忠在穀城擁兵索餉不奉調遣且日肆劫奪人咸知其必叛知縣阮之鈿方言於熊文燦文燦不省洪承疇等入衛羅汝才諸賊疑見勦亦乞降文燦益自喜至是獻忠復叛毀穀城陷房縣左良玉羅岱追至羅猴山遇伏岱被執不屈死良玉軍大敗喪士卒萬人時李自成亦出收餘衆往依獻忠獻忠欲圖之遁去

六月畿內山東河南山西旱蝗○加徵練餉

廷臣多請練邊兵帝命楊嗣昌定議邊鎮及畿輔山東河北凡四總督十三總兵官各抽練額兵總三十七萬有奇又汰郡縣佐貳設練脩練總專練民兵於是勦餉外復增練餉七百三十萬

秋八月命楊嗣昌督師討賊

詔逮熊文燦論死命嗣昌督師嗣昌言左良玉有大將才其兵亦可用詔拜良玉平賊將軍又奏辟永州推官萬元吉爲軍前監紀時李自成潛伏陝右嗣昌專勦張獻忠獻忠屢敗於興安求撫不許其黨多來降軍聲頗振

十三年春二月官軍大敗張獻忠於太平

獻忠在楚蜀界上將奔漢中爲川北副將張令所扼左良玉合諸將兵敗之拘坪關獻忠走良玉自漢陽西鄉追入蜀會諸將擊之瑪瑙山斬賊渠十六人俘獻忠妻妾賊走岔溪轉入柯家坪已而率千餘騎竄興歸山中



勢大盛

夏四月逮江西巡撫解學龍及黃道周下獄尋遣成  
先是詔督撫舉人才學龍薦道周帝逮二人下獄責以  
黨邪亂政論救者皆獲罪法司擬二人戍烟瘴帝以爲  
輕除刑部尙書李覺斯名踰年尙書劉澤深言二人罪  
至永戍過此惟論死非聖主覆載之量也乃戍廣西  
以謝陞陳演爲東閣大學士

帝簡閣臣將發策覘能否演結中官探得帝所問數事  
條對獨稱旨遂被擢用

五月石砭女官秦良玉敗羅汝才於夔州

汝才犯夔州良玉連敗之斬千餘級奪汝才大纛擒其

衆六人汝才走大寧

姚明恭罷。六月，蔡國用卒。○薛國觀以罪免，尋賜死。先是，帝憂國用不足，國觀請借助於戚畹，勅武清侯李國瑞金四十萬。國瑞無以應，奪爵，悸死。國瑞乃神宗母孝定太后兄孫也。會皇五子病，宮中倡言太后降神於皇五子，言帝薄外戚諸子，當夭折。俄皇五子薨，帝懼，急封國瑞子，盡還所納金，而追恨國觀。國觀又以考選誑行人吳昌時，昌時大恨，與所善東廠謀發國觀受賂事。帝怒，奪職，遣歸。旣出都，復爲給事中袁愷所劾，逮至京。明年八月，賜死。

秋七月，張獻忠與羅汝才合官軍，敗績於夔州。



初賀人龍屢破賊楊嗣昌私許人龍代左良玉而良玉  
適有瑯琊山之捷嗣昌顧人龍曰須後命由是兩人皆  
不爲用獻忠遣間說良玉曰獻忠在故公見重良玉乃  
圍而不攻賊得與山民市鹽米收潰散走歸山西合  
於羅汝才諸將謀會師進擊三檄人龍兵不至已而謀  
歸楚兵多新募賊悉銳來攻大潰叅將汪之鳳戰死嗣  
昌以賊勢張甚乃進師彝陵下令招撫

九月李自成走鄖均張獻忠陷劍州

楊嗣昌招諸賊自成出嫚語官軍圍之魚復山中自成  
大困欲自經會圍者懈乃盡棄所據走鄖均連陷宜  
永寧偃師先是嗣昌欲驅獻忠入蜀蹙滅之爰慮蜀兵

扼險乃調蜀精銳萬餘自隨巡撫邵捷春爭之不能得  
及賊聚蜀界張令及秦良玉扼之竹園坪令中矢死良  
玉亦敗賊遂入大昌等陷劍州綿州嗣昌泛舟西上至  
重慶徵諸將會勦賊走內江總統猛如虎簡驍騎追之  
獻忠越成都陷瀘州官軍謀伏兵遮擊賊已返走入巴  
州○時河南斗穀萬錢民盡起爲盜杞縣舉人李信者  
逆案中尙書李精白子也嘗出粟賑饑民民德之曰李  
公子活我曾繼妓紅娘子作亂擄信去強委身事之信  
不從逃歸有司疑其爲內應執下獄紅娘子來救城中  
民應之共出信往歸自成約爲兄弟改名巖盧氏舉人  
牛金星磨劫被斥歸自成爲主謀薦卜者宋獻策長三



尺餘上圖識云十八子主神器自成  
大悅巖因說自成勿殺人散所掠財物賑饑民復造謠詞曰迎闖王不納糧使兒童歌以相煽於是從賊者日眾

冬十一月南京地震○十二月兩畿山東河南山西陝西饑人相食

辛

十四年春正月官軍敗績於開縣張獻忠復東走

嗣昌知賊必出川遂統舟師下雲陽令諸將陸行逐賊賊自巴州至開縣官軍追擊之於黃陵城賊密遣精卒行箐谷中乘高大呼馳下左良玉軍先潰叅將劉士傑等戰死賊遂席捲出川絕新開驛置蜀楚消息中斷

李自成陷河南殺福王常洵

先是援兵過洛者喧言先帝困天下以肥王今王府金  
錢山積乃令吾輩枵腹死賊尙書呂維祺方家居勸王  
散財餉士不從至是官軍引賊陷城維祺被執不屈死  
賊殺常洵分其血雜鹿肉以食曰福祿酒火王府散金  
以賑饑民乘勝圍開封周王恭枋及副將陳永福等拒  
却之

二月張獻忠陷襄陽殺襄王翊銘

嗣昌以襄陽爲軍府獻忠令羅汝才綴鄖陽兵自率輕  
騎一日夜馳三百里殺將吏取軍符以二十八騎給入  
襄陽城夜半從中起城陷賊縛翊銘屬卮酒曰吾欲借  
王頭使嗣昌以陷藩伏法遂與貴陽王常法同遇害衆



議張克儉遊擊黎民安等死之

三月楊嗣昌自殺

嗣昌旋師至荊州沙市聞襄陽洛陽陷憂懼不食死以  
丁啟睿代爲督師啟睿憚李自成不敢討聞張獻忠在  
固始稍弱請專勦獻忠從之

我

大清兵圍錦州○夏五月范復粹罷

帝召對廷臣語及福王泣下復粹曰此乃天數帝曰雖  
氣數亦賴人事挽回復粹不能對尋致仕去

秋七月洪承疇援錦州旋松山

錦州圍久承疇先後調馬科吳三桂等凡八大將兵十

三萬進次松山我

文皇帝親督戰王樸吳三桂等俱夜遁軍士被邀擊死者無算曹變蛟走入松山與承疇堅守帝命順天巡撫楊繩武總督遼東寧遠諸軍往援。

臨清運河涸京師大疫。八月左良玉敗張獻忠於信陽獻忠棄襄陽連陷樊城當陽泌陽諸州縣良玉從南陽間道進兵大破之信陽降其衆數萬獻忠被重創東遁副將王允成復敗之望雲寨衆散且盡獻忠走依李自成自成欲殺之羅汝才曰不如留之使擾漢南分官兵力乃給以五百騎俾遁去。

九月陝西總督傅宗龍軍潰於新蔡死之。



自成破河南勢大盛帝以故尙書傅宗龍總督陝西別  
敕保定總督楊文岳會師宗龍馳入關與巡撫汪喬年  
調兵兵已發盡乃檄河南大將李國奇賀人龍兵隸麾  
下急出關次新蔡遇伏人龍先走國奇及虎大威繼之  
宗龍與文岳合兵結營保兵宵潰走陳州宗龍穿塹拒  
守八日矢石俱盡夜半潰圍走被執死賊屠項城商水  
扶溝陷葉縣圍左良玉於鄆城帝乃擢喬年爲總督

名周延儒賀逢聖復入閣

延儒所取士太倉張溥結同邑張采倡爲復社與陳林  
相應利四方好名者爭歸之聲氣通朝右里人訐其倡  
亂事下所司嚴究溥念延儒相事可解乃說之曰公若

再相易前轍可重得賢聲延儒以爲然薄乃屬吏部郎中吳昌時爲交關近侍會帝思用舊臣遂詔起延儒等延儒至復爲首輔悉反體仁所爲中外頗以爲賢時薄已卒采上疏自列復社事遂置不問

冬十月朔日食。十一月李自成陷南陽殺唐王聿鎮總兵官猛如虎死之。

如虎隨楊嗣昌下荊州詔移駐南陽自成來攻如虎憑城拒戰殺賊數千及城破猶短兵大呼衝擊血盈袍袖北面叩頭謝帝自稱力竭遂被殺叅政艾毓初知縣姚運熙等皆死之賊連陷南陽汝鄧十餘城再攻開封帝乃釋孫傳庭於獄以爲兵部侍郎帥師往援。



年王

十五年春二月陝西總督汪喬年軍潰於襄城死之

初秦中精銳盡沒於項城喬年集散亡得馬步三萬使賀人龍等分將之攻賊老砦於襄城自成解郾圍來救人龍等不戰而走軍大潰喬年收步卒二千餘入城拒守賊盡銳攻五晝夜城陷喬年被執罵賊死賊惡諸生劉漢臣等助城守剗削幾二百人遂陷陳州歸德復圍開封總兵官陳永福射中自成目賊攻益急左良玉藉口勦張獻忠不赴援帝以孫傳庭總督陝西勅誅人龍傳庭乃數其開城譟歸新蔡襄城連喪二督罪斬之

我

大清兵克陝西賊降遂下錦州

松山圍久食盡督師范志完不能救城破巡撫邱民仰  
總兵官曹變蛟等死之承疇與總兵祖大樂皆降寧遠  
關門勁卒盡喪祖大壽遂以錦州降杏山塔山皆下帝  
論諸逃將罪誅王樸鐫吳三桂三秩時諸將多囑厚貲  
賂權要故樸以外皆獲宥

三月魏照乘罷○夏四月謝陞罷。

初我

崇文皇帝屢遣事耳議和。兵部尙書陳新甲以南北交困請主  
款以紓患既而私告傅宗龍宗龍以語謝陞陞後見疆  
事大壞於帝前述宗龍之言帝慙陞進曰倘肯議和  
亦可恃帝默然已而言官謁陞陞言上意主和於是言



者交章劾陞帝怒其洩漏削籍去新甲亦由此得罪。  
五月張獻忠陷廬州起馬士英總督廬鳳軍務

初汴圍急督師丁啟睿及左良玉皆往援獻忠乘間陷  
亳州入英霍至是復糾別賊陷舒城據之連陷廬州含  
山巢廬江無爲六安諸州縣南京大震詔逮鳳陽總督  
高斗光起馬士英代之士英初巡撫宣府取公帑饋朝  
貴坐遣戍至旦禮部侍郎王錫袞薦其知兵周延儒力  
贊之遂自戍籍起用

六月賀逢聖張四知罷。以蔣德璟黃景昉吳甡並爲東  
閣大學士。秋。月左良玉兵潰於朱仙鎮諸鎮皆潰。

開封圍急帝

良玉赴援楊文岳合虎大威楊德政方

國安及良玉四壁。兵次朱仙鎮。良玉見賊盛。一夕拔營走襄陽。衆皆潰。

九月。李自成決河澨。開封城陷。

巡撫高名衡議決河灌賊。賊偵知之。遂移營高阜。驅難民數萬決河。河水自北門入。貫東南門出廬舍。人民蕩盡。賊浮艦入城。無所得。拔營西去。帝屢趣孫傳庭出關。傳庭言秦兵新募。不堪用。不聽。不得已抵關。值大雨連旬。餉不時至。開封既陷。急攻賊於南陽。敗之。追奔三十里。至郊縣之塚頭。賊棄甲仗軍資於道。官軍趨利遂爲所乘。大潰。傳庭走入關。賊悉衆攻楊文岳於汝寧。汝寧陷。縛文岳於城南。以大礮擊殺之。時河南郡邑無不殘。



御批通鑑輯覽卷三十一  
破朝廷不復設官遺黎多結寨自保大者洛陽李際遇  
汝寧沈萬登南陽劉洪起兄弟衆各數萬諸小寨附之  
或降賊或受朝命復互相吞併中原禍亂於是爲極明  
年夏帝乃下詔蠲租赦罪已不可爲矣

冬十一月我

大清兵入薊州連下畿南山東州縣。

時關內外並建二督又設二督於昌平保定又有寧遠  
永平順天保定密雲天津六巡撫寧遠山海中協西協  
昌平通州天津保定八總兵星羅棋置無地不防而事  
權反不一。

報至急徵諸鎮入援而我

大清兵已克薊

分道南下河間以南多失守至山東魯王

以派自殺明年夏我

大清兵始北旋帝憂甚周延儒自請視師帝獎以名虎裴度延儒駐通州一無籌畫惟與幕下客飲酒娛樂而日馳章奏捷及我

大清兵至懷柔趙光抃合唐通白廣恩等八鎮兵邀戰於螺山盡潰總兵張登科和應薦敗沒

癸未十六年春正月李自成陷承天

自成初無遠圖所得城邑輒焚燬棄去及灌開封敗秦軍群賊皆來附乃脅崇王由櫟使從軍陷荆襄諸郡殺湘陰王儼鏘遂犯承天焚獻陵衙下旁近州縣自號奉天倡義大元帥稱羅汝才代天撫民威德大將軍衆各



數十萬自成彘襲殺汝才。并其衆改襄陽曰襄京。設官屬僭號新順王。自成每陷城邑。令軍士毋得室處寢興。悉用單布幕綿甲。厚百層。矢礮不能入。一兵倖馬三四匹。冬則以裋褐藉其蹄。剖人腹爲馬槽。馬見人輒鋸牙。思噬騰山嶺直上。水惟憚黃河。若淮泗涇渭則萬衆翹足馬背。或抱鬚緣尾呼風而渡。臨陣列馬三萬名。三塚墻前者返顧後者殺之。戰久不勝。馬兵佯敗誘官軍。步卒長槍三萬擊刺如飛。騎兵回擊無不大勝。攻城迎降者不殺。守一日殺什之一。二日殺什之七。三日屠之。凡殺人束屍爲燦。謂之打亮城。將陷步兵環堞下馬。兵巡徼無一人得脫者。獻忠雖至殘忍不逮也。

三月朔日食。京師大疫。夏五月以魏藻德爲東閣大

學士。

藻德長於辨說帝意其有抱負釋褐甫四年遂至執政然一無建白但倡議令百官捐助而已。

吳甦罷。

先是帝命甦督師討賊荆襄甦請兵三萬隨行俟兩月兵終不集帝責其逗遛引罪去甦與周延儒爭樹門戶旣去陳演復構之徵至議罪戍金齒。

周延儒罷。

延儒自通州回帝大加獎勞居數日盡得其軍中事下廷臣察議延儒席纓待罪自請戍邊乃罷歸。



張獻忠陷武昌前文淵閣大學士賀逢聖死之。

左良玉避賊東下以楚兵自隨獻忠遂連陷蘄黃武昌以筏輿沉楚王華奎於東湖大殺楚宗及居人浮齒蔽江逢聖方家居載家人至礮子湖鑿舟沉之死者二十餘人

六月雷震奉先殿。秋八月張獻忠陷湖南諸郡。

獻忠據武昌僭號西王設官屬李自成在襄陽聞之遣使譙讓左良玉復西上獻忠懼率衆陷岳州欲渡洞庭湖下於神不吉投琰而詢將渡風大作獻忠怒聯巨舟千艘載婦女焚之水光夜如晝進逼長沙吉王惠王桂王皆遁入廣西

九月黃景昉罷。冬十月李自成破潼關總督孫傳庭死之。遂陷西安。延安諸郡。

傳庭治兵關中。吏民苦征繕。共望其出關。帝屢詔督趣。傳庭復率師東出。拔寶豐唐縣。至郿縣。自成以萬騎迎戰。擊敗之。會天雨。賊輕騎出汝州。截餉道。傳庭令陳永福守營而已。與白廣恩高傑分道迎糧。旣行。永福兵亦爭走。爲賊所乘。傳庭還戰。大敗。自成急追。一日夜踰四百里。官軍死者四萬餘人。傳庭由垣曲走河北。急趨潼關。與監軍副使喬遷高俱戰歿。賊連陷華陰渭南。臨潼遂犯西安。守將王根子開門降。賊執秦王存樞。永壽王誼。況。授僞官。諸將皆降。惟高傑以前竊自成妻懼。走死。



安爲賊所迫折而東渡河入薊津以守賊分兵四掠所  
至風靡乃詣米脂祭奠改延安曰天保府屠鳳翔傳檄  
榆林衆將劉廷傑與總兵尤世威王世欽等集衆城  
血戰七晝夜婦人孺子皆發屋瓦擊賊城陷無一降  
忠烈爲天下最賊遂乘勝陷寧夏慶陽甘州三邊俱  
又遣賊將渡河陷平陽殺宗室三百餘人帝遣副將  
通往援通至降於賊併爲賊說總兵周遇吉遇吉斬  
傳首京師

十一月以李建泰方岳貢爲東閣大學士。十二月周  
儒以罪賜死。

初延儒薦用侯恂范志完督師皆僨事延儒無憂色又

信用文選郎吳昌時及門下客盛順董延獻等皆因終  
為奸利是秋山東僉事雷縝祚劾志完縱兵淫掠御史  
蔣拱辰劾昌時交通中官漏洩機密詞皆連延儒帝親  
鞫志完昌時於中左門察其事皆有迹遂發緹騎逮延  
儒時舊輔王應熊被召延儒宿留道中冀應熊先入為  
之解帝知之命應熊歸延儒至安置正陽門外古廟上  
疏乞哀法司以戍請皆不許至是志完昌時棄市詔勒  
延儒自盡籍其家

甲申  
我

大清

世祖章帝順治元年

明莊烈帝崇禎十七年三月流賊陷燕京五月我大清兵定京師春



正月朔李自成僭號於西安

自成僭稱王國號順改元永昌設大學士以下官封其黨劉宗敏等爲侯伯馳檄遠近指斥明帝明帝集廷臣議欲親征決戰李建泰家曲沃富於貲請以私財餉軍率師西討甫出都聞曲沃已破驚悸稱病日行三十里至定興吏民閉城不納建泰攻破之營其長吏抵保定賊鋒已逼遂入居城中及京師陷後數日保定亦陷知府何復內臣方正化皆死建泰竟降賊

明以范景文邱瑜爲東閣大學士○張獻忠寇四川

先是獻忠自湖南入江西連陷吉安袁州建昌撫州諸郡至是自荊州趨蜀陷夔州秦良玉馳援敗歸遂陷重

慶綬瑞王常浩陷成都蜀王至衡陽府死自是蜀中郡縣俱沒賊大肆殺掠幾無孑遺。

二月李自成陷太原遣別將犯畿南陷真定。

明帝下詔罪已發帑金五十萬治守具詔天下勤王左都御史李邦華請南還及太子撫軍江南皆不報賊勢急復遣內臣高起潛杜勳等分監邊鎮及近畿要害賊至真定檄總督徐標降標斬其使率眾拒守中軍謝加福害之以城降賊攻彰德趙王常澍亦降。

明陳演罷。

演在閣一無籌畫惟以賄聞賊入山西薊遼總督王永吉請移寧遠總兵吳三桂於關門選士卒策應京師演



及魏藻德持不可。後賊逼明帝決計行之。而軍不能猝至。藻不自安。且謀脫難。遂引疾去。入辭。自言佐理無狀。當死。帝怒曰。汝死不足蔽辜。叱之出。演貲多。不能遽行。京師陷。與魏藻德方岳貢邱瑜俱降賊。後皆爲賊所殺。李自成陷寧武關。明總兵官周遇吉力戰死之。

初遇吉駐代州。憑城固守。食盡。退守寧武。賊踵至。大呼五日不降。卽屠遇吉。發大礮殺賊萬人。設伏城中。誘賊入。復殺數千人。城毀。復完者。再自成悉力攻破之。遇吉巷戰。馬蹶。徒步跳盪。手殺數十人。矢集如蝟毛。被執。罵賊死。遇吉妻劉氏率婦女登屋射賊。賊縱火焚之。闔家皆死。城中士民無降者。成集衆計曰。此去歷大同陽

和宣府居庸皆有重兵。倘盡如寧武。奈何不如且還候再舉。而大同總兵姜瓖。宣府總兵王承允。降表相繼至。自成大喜。遂長驅而東。至大同殺代王傅濟。宣府監視中官杜勲。蟒玉鳴鑾迎賊三十里外。而明帝以杜勲罵賊殉難。予廕祠。

三月明蔣德璟罷。

李建泰自保定疏請南遷。明帝召廷臣於平臺。諭曰。國君死社稷。朕將焉往。德璟與少詹事項煜請命太子往江南。帝不答。給事中光時亨追論練餉之害。德璟擬旨有向來小人倡為練餉。致民窮禍結等語。帝不悅。責其朋比罷之。



李自成犯居庸明中官杜之秩叛以關降

始賊陰遣人賈販都市或充部院掾吏探刺機密至是  
入居庸關陷昌平兵部發騎偵探輒被賊勾去游騎抵  
平則門都人猶未知明帝召羣臣問計莫對有泣者命  
襄城伯李國禎督京營太監王德化盡督內外軍務悉  
發三大營兵屯城外賊至皆降守陴者寥寥人給白錢  
鬻食於市益無固志已而杜勲從賊至縋入城勸帝自  
爲計帝叱之出仍縋下語守城諸瑄曰吾輩富貴國在  
也

李自成陷京師明帝崩於萬歲山大學士范景文等死之  
丙午日晡外城陷明帝登萬歲山望南城烽火徹天歎



息曰苦我民耳遂命分送太子定王永王於外戚周田  
二家劍擊長公主令皇后自盡翌日昧爽內城陷鳴鐘  
集百官無至者帝復登山書衣襟爲詔曰朕涼德藐躬  
上于天咎然皆諸臣誤朕無面目見祖宗自去冠冕以  
髮覆面任賊分裂勿傷百姓一人以帛縊於山亭太監  
王承恩從死自成璫笠縹衣乘烏駁馬入承天門僞丞  
相牛金星等騎而從登皇極殿據御座下令大索帝后  
期百官三日朝見景文與尚書倪元璐侍郎李邦華王  
家彥孟兆祥副都御史施邦曜大理寺卿凌義渠太常  
少卿吳麟徵庶子馬士奇諭德周鳳翔劉理順檢討汪  
偉給事中吳甘來御史王章陳良謨太僕寺丞申佳允



員外郎許直主事金鉉成德等皆死之其餘侯伯駙馬  
及廷臣死難者數十人宮人魏氏等二百餘人俱赴水  
死賊殮帝后以柳棺置東華門外羈太子及定永二王  
於宮中越三日成國公朱純臣太學士魏藻德率百官  
入賀陳演首勸進自成不許悉付賊將劉宗敏營中拷  
索賕賄至灼肉折脛備諸慘毒金鉉輒殺之

夏四月

大軍破李自成於山海關

初明吳三桂奉詔入援至山海關聞燕京陷猶豫不進  
自成執其父書令作書招之三桂欲降至灤州聞愛妾  
爲賊所掠大憤急回關遣使乞降於我



朝來共討賊自成率眾東犯我

天軍入關奮擊大破賊追北四十里自成奔永平殺吳襄走  
還京師

五月

天軍定京師

自成敗還僭帝號於武英殿遂焚九門城樓挾太子二  
王西走

天兵至故明諸臣迎於五里外下令安輯百姓以禮葬崇禎  
帝后及熹宗懿安后命臣民服喪三日自成奔山西



